

尹文端公詩集

夫無形者功德有象者詩書易泐者鼎鐘不朽者竹素  
是以八伯渺矣而朱千苓落之音傳三  
零雨之篇著上有文思之后下有文命之臣凡以喜起  
皇風軒轅帝載非偶然也我

朝尹文端公以鉤河撹洛之才贊堯釀舜熏之化言敷  
彤管早穆清風墨灑黃麻便成甘雨其功見于天下其  
草焚于篋中辰告訏謨有

國史在非枚所敢知也若夫四始源流五際聲韻心乎  
愛矣情在于斯偷三接之光陰廣資省覽分九霄之聲

欬潤色風花當其卷阿從遊柏梁應制凌雲賦而人主  
驚老鳳鳴而百鳥息對天揮筆畫日成章方知從古臯  
夔原稱才子于今燕許尚有風人他若擁旄憑弔之場  
三邊盡歷駐馬謳吟之地五嶽平看金石流其聲江山  
壯其采讀公詩者疑其生知敏性不假錘鑪者乎而不  
知又非也公功高百辟志在三餘督八州而適然吟七  
字而自喜其精思也如其謀國其巽入也如其擾氓其  
綿麗也如其測交其矜嚴也如其獎吏而且纂言則油  
素書之愛士則傾衿禮之故能宣揚八風不差累黍吞

吐四瀆無納細流行間消蹈厲之心言外得中和之氣  
較彼經生尚多孤詣就論風雅已壑羣公近今已來歎  
觀止矣枚卅年隅坐由也升堂一日山頽吾將安仰猶  
憶鼓角臨江之日牙旗卷雪之天張設肴烝為賞休文  
之二句留連羣屐蒙呼王儉之三公點瑟方希牙琴又  
奏負牆請退刻燭重添軍門沈漏而不知燕寢橫箋而  
忘倦孔子曰好之者不如樂之者其公之謂乎然而王  
筠喜押強韻讓天下以先楊綰戒不示人懼知音之少  
今者大星已隕餘光尚耿于天小子幸存斯文敢墜于

地望九原之人遠慮二雅之道淹用是編集遺文都為  
十卷雖問字元亭無復春風之座而尋琴海上依稀流  
水之聲知我一生報公千古嗚乎錢塘問人袁枚

尹文端公詩集目錄

卷第一

古今體詩一百五十四首

卷第二

古今體詩一百四十六首

卷第三

古今體詩一百二十四首

卷第四

古今體詩一百九十二首

卷第五

古今體詩一百六十二首

卷第六

古今體詩一百九十八首

卷第七

古今體詩二百首

卷第八

古今體詩一百七十四首

卷第九

古今體詩一百九十首

卷第十

古今體詩二百一十五首



尹丈端公詩集卷第一

章佳尹繼善元鼎

池上吟

豔豔十畝池誰從此地開灼灼千藕花誰向池中栽前有主人翁疏鑿自草萊臨流築水榭高閣接平臺當花盛放時宴賞日夜催嘉果陳玉盤旨酒盈金罍歌聲遏行雲燈光爛水隈更有如花人蕩槳爭溯洄此樂固云極未免釀禍胎轉眼繁華處掃迹成塵埃斷橋任欹側殘屋任傾頽惟有芙蕖紅依然似錦堆但見亭亭舞不

聞步步來昔日種花人意豈在花哉今日看花人轉為  
花生哀寂寞荒池畔無人更舉杯

同王卓人夏夜小飲

相聚原非偶交情久益真暫為花下客同作酒中人談  
劇風生座觴飛月滿身莫愁瓶易盡冰雪甕頭新冰雪酒名

密雲猶帶雨鬱氣晚來收半醉能消暑微涼欲入秋花

連隔院竹樹暗近窓樓說到遼陽事十年憶舊遊十年前與

卓人訂  
交遼海

和張來軒風雨近重陽韻

風雨近重陽登高咏瘴鄉寒雲連浦白晚稻遍山黃秋  
色花深淺離思路短長海天酬唱處落葉點方塘  
風雨近重陽高歌莫望鄉頭從未老白花自到秋黃日  
暮鴉聲亂天空雁陣長新詩開笑口吟步小山塘

望太華山

滇南山多平地少一看太華山盡小俯臨金碧帶昆池  
峰頭不斷雲縹緲笑我南來兩度春春花秋月幾番新  
眼底風光無限好年季領畧屬閒人記因祈禱向山路  
忙中林壑不知數雲生石畔雨如飛四野瀾漫盡烟霧

惆悵仙源水亂流依稀恍似夢中遊  
嶙峋體態未曾識神魂鎮日長悠悠  
清波倒映列屏障翠壁層巒分下上  
何朝古寺樹參差半在斜陽山背向  
緣知遠眺有奇觀不似攀躋步步難  
身入易迷真面目世事應從局外看

仲冬既望同人讌集太華山和吳穎菴學使韻

華峯聳峙絕塵俗出岫閒雲偶相逐  
公餘載酒約同遊繞徑穿林馬蹄速  
年豐冬氣喜晴和腹鼓歌聲遍茅屋  
峻嶒怪石雜叢篁百尺長松風謖謖  
登臨一覽衆山低纔識匡廬真面目  
烟波恍似水雲鄉夾岸楓林紅錦簇

更同攜手上層樓萬里乾坤展畫軸西南烽火靖邊陲  
北望燕雲憶輦轂銜杯盡日竟君歡異姓天涯皆骨肉  
艱難民事共關心豈為遨遊炫車服勝會良辰到處多  
應思憂樂分同獨歸去何時擬再來空留明月懸山麓

題學使吳穎菴新成書室

斗室初成處偏東一院斜當窓新竹子繞屋老梅花明  
月開三徑春雲近五華莫嫌結構小好景有些些  
盡道官齋冷誰知宦味閒林園藏屋裏桃柳盛春間水  
靜門臨海風清座對山招尋看不厭歸騎每遲還

集法界寺用禪房花水深為韻和韻菴吳學使

喜值春歸時桃李花爭妍尋幽向山洞步步入春烟石  
磴盤雲上松梢信手攀青籐纏絕壁小麥遍梯田浮生  
閒片刻誤却老僧禪

節序何時佳四野啟青陽仙源流洞口石乳垂山房春  
風自南來生意滿巖疆細雨正霏霏大有占農祥龍湫  
一水隔登頓褰衣裳

小院一樽設殘梅尚留花酒人多半醉雜樹香交加暫  
可遠塵俗敢云愛煙霞綠竹誰培植蔓草費搜爬漫將

此中趣輕向勞人誇

勝地屢追陪幽林到華轍爾我兩忘形推心每置腹喜  
得年歲豐長享太平福歌咏遍溪山清光被草木登臨  
日已西歸鞭促僮僕

天涯偶聚首難得是知心古人秉燭遊所惜在光陰白  
雲出岫遠歸鳥入林深及時不行樂過隙馳驟對月  
吟君詩清風吹我襟

送張少儀南歸兼赴北闕鄉試

共將樽酒唱離歌偏我歌時別恨多無限心情隨去馬

知君回首更如何

此去家山萬里餘歸途正值暮春初縱云風景江南好  
絕壑奇峯恐不如

春光驛路正清明石磴紆迴取次行重過飛雲仙洞口  
新詩吟處亂山橫

遙天極目送征鴻萍水還期異日逢江樹依依人漸遠  
孤舟帆影洞庭東

臨別重傾酒一杯人人盡為祝元魁功名我道尋常事  
且慰慈親盼子回



幾年飄泊少年行楊柳深閨日日情待得歸來同夢穩  
秋風前路又催程

陪倪子珍侍御張南華太史兩主試遊近華浦  
久矣無心事覽遊黃花又過一年秋不因此日陪仙侶  
那得偷閒上小舟

家近西湖與太湖漁村野寺繞菰蒲華峰山色昆明水  
也有蘇杭意境無

浮生聚散想前因夢兆何須問假真  
張太史曾有來滇夢兆  
應笑此來還是夢銜杯且作酒中人

萬里雲程再到難登樓極目海天寬不知金碧重重勝  
可許攀留次第看

疊前韻贈吳頴菴學使

萬里三年共宦遊重陽過去又殘秋依然風雨聯吟日

淺水還同一葉舟

去秋有風雨  
近重陽唱和

約畧風光擬鏡湖蒹葭歷歷雜芰蒲冰心一片清於水  
萬頃波澄得似無

萍踪去住豈無因於我浮雲莫認真此日逢場開笑口  
登臨來歲更何人

觀海方知衆水難一時眼界喜同寬堤連古寺汀洲冷  
好趁斜陽帶醉看

和張南華太史遊近華浦

雨歇寒流亂野蹊晴雲遙指碧峯西無波不覺扁舟小  
短纜徐牽過柳堤

遍地西成眼乍明農歌聲裏午風清年豐自有田家樂  
莫認兒童竹馬迎

一望高低盡海田今秋收穫倍常年秧雞莢笋爭投送  
笑說農家味更鮮

落葉蕭蕭拂面飛  
韶光轉眼已全非  
披裘尚覺寒侵骨  
野老人多未授衣

婦子嬉嬉列短壩  
嘉禾掀載滿漁船  
自來邊地農桑貴  
綠柳黃花不值錢

萬頃昆池萬疊山  
澄波倒影照雲鬟  
華峰削出芙蓉面  
仰止心殷未許攀

流水無心解送迎  
湖邊置酒趁初晴  
塵機到此都消盡  
惟有清風樹上聲

曲曲迴廊徑轉幽  
風帆過影遠來舟  
烟波更有幽深處

坐看游魚共泛鷗

亭有烟波深處又名盟鷗

縱目軒窓遍十洲  
欲窮千里又登樓  
倚欄不敢頻回首  
東北蠻烟未盡收

人醉詩成罷詠觴  
舟迴水面晚風涼  
揚帆漸覺湖光遠  
一路寒山翠夕陽

羣峰拱向五華開  
指點長松天半栽  
佛手香中人笑語  
風吹孤月自東來

清光如畫豁雙眸  
難得同心夜泛舟  
好景分明看不盡  
此行誰說夢中遊

立冬日同吳頴菴學使過訪倪子珍張南華和子  
珍卽事韻

不見剛三日招尋雨霽初催詩酬華浦

頴菴催遊近  
華浦和章憶

舊話匡廬圖按千山路

閱黔省  
輿圖

箋摹兩晉書

子珍  
善書

清齋

忘坐久心緒一時舒

暫得驅塵慮呼朋數往來豈惟親遠客直是愛多才落  
日秋將盡殘花冷自開同心應戀戀歸計故遲迴

疊前韻贈別子珍南華

霜風寒古驛攬轡正冬初別緒持杯酒歸心憶直廬頻

揮遊子淚重寄故園書轉眼天南北行雲任卷舒  
莫悵崎嶇路何曾負此來看山留好句報國得真才馬  
踏蠻雲遠梅迎使節開亂峯殘照裏首應幾番迴

重陽前一日張覲臣撫軍招同孫端人學使陪王  
次山編修鍾仲恒侍御登高次端人韻

人世難逢笑口開知心是處喜追陪東園一入花迎客  
暮雨初晴月滿杯漫說三秋都落葉何須九日始登臺  
興公麗句饒清賞屬和慚非白雪才

送五華書院掌教浦二田顧右卿歸江南

長歌送遠行河東秋已暮嶺上多蠻雲人踏蠻雲去未  
泰通梯田黃葉落村樹曉風野鳥鳴斜日寒江渡一片  
故鄉心滿目湖山趣思君無盡期逢君更何處江南我  
舊遊清夢隨歸路

孫端人學使重陽招飲有懷去歲張南華倪子珍  
吳穎菴華浦之遊次端人卽席韻

記得年前事同心醉綺筵也逢重九日共賞菊花天古  
寺吟殘雨昆池盪小船新知與舊好撫景意悠然  
官舍山光裏風清似野坰秋明孤嶺月寒浸一池星華



浦追前夢瀛洲憶舊亭殷勤留客意莫放酒杯停

用前韻送王次山鍾仲恒還京

重關頻送客帶雨出郊坰使節雲隨馬歸鞭袖拂星亂  
山高下路離思短長亭想過留題處聯吟又暫停

又次孫端人韻送別王次山鍾仲恒

金汁江頭雨未收行人欲別意還留離觴共勸他鄉酒  
落葉初飛滿路秋一顧空羣傳冀北萬山何處憶蠻州  
知心自是難分手况值天涯久宦遊

孫端人以詩見寄依韻和之

鈴閣風和正入春韶光曾記一園新傳杯共作花間客

秉燭爭看畫裏人

壁間有美人圖

勝地幾回陪笑語良朋自古

嘆參辰溪山處處供吟賞盼寄詩箋莫厭頻

凝香草堂即事

賴有同心興不孤招攜共醉步兵厨素聞歡飲原稱伯

近得花名又號姑

端人新納姬

射圃開樽催畫鼓歸鞍覓句

附奚奴自來皓月添清賞況是春宵忍暫辜

上元醉後

培遠堂前又舉觴沿池草木占春陽隔窓鼓急籌偏到

繞座花飛酒益香四野笙歌喧月色萬家燈火闌星光

華筵未散吟先就並訝詩才有別腸

方伯署中讌集

一望嶙峋杳靄間，公餘誰得暫偷閒。  
景行時切高山意，魂夢仍迷近浦灣。  
寺放春花迎遠客，雲隨使節度寒關。  
日來亦有尋芳約，翠壁留題句莫刪。

碧雞寺

一泊天開漾碧痕，人傳砂氣有靈根。  
香風淨拂煩襟散，靈液徐熏病骨溫。  
千古華清流韻事，三年瘴海隔仙源。  
羨君後到先遊覽，醉石橫陳信手捫。

天下第一湯

### 螳川泛舟

嫩柳青青夾岸頭，無邊景色豁雙眸。  
春風十里螳川路，淺水輕搖一葉舟。

湯泉

百道泉從石罅生  
大池流灌小池平  
憑人袂濯無渣滓  
一片玻璃澈底清

緩步頻過數里餘  
坐來山寺上燈初  
自知筋骨原無恙  
惟有塵勞借洗除

引勝山房

門枕螳螂水一灣  
亭臺半在水聲間  
到來頓覺塵寰遠  
四面平看屋裏山

偕樂亭

勝地何人數往來  
攝衣攀葛暮登臺  
眼前民事方艱苦  
未敢臨風獨舉杯

曹溪寺

萬松深處足行遊  
野寺東西水亂流  
更上高峰尋古蹟  
老僧指點白雲頭

珍珠泉

人傳此水千年寶  
我愛能澆百頃田  
待得秋來山稻熟  
盈倉粒粒似珠圓

傍花樓

青籐盤壁竹成笆  
策杖徐穿小徑斜  
日夕登樓明遠目  
四山無處不開花

護花山房

怪石嶙峋卧古枝  
珠泉旁引細通池  
眼前物物饒生意  
不獨名花要護持

雲濤寺

何處濤聲起暮寒  
雲深古刹隱層巒  
優曇樹外松千本  
好趁斜陽駐馬看

桃源可問

峭壁危巖曲曲通仙山無面不玲瓏幾回欲問桃源路  
笑我塵凡念未空

在滇持節五載奉

命入覲喜別同事用上平韻得十五首

人生宦跡似飄蓬于我行雲過太空就日喜傳消息早  
寸心飛向萬山中

一門榮遇古難逢愧乏新猷獻

九重只報今年禾稼稔滿田澍雨樂村農

南天任重豈能扛賴有同舟濟瘴江幾載軍書勞夢寢

寒燈夜雨倚松窓

齋名倚松書屋

雖說西成預可期心魂尚在未安時

滇省去歲歉收

不因民事

相關切肯待秋深攬轡游

鹿鹿風塵已倦飛壯心半與素心違艱辛閱歷天涯遍

一枕黃梁是也非

奉養頻年子舍虛承歡今在小春餘他鄉尚未登程日

早是依閭盼子初

駿馬烏蒙近已無剩將駕鈍佐馳驅也知萬里橫行好

不若舒徐赴坦途



鳥道巉巖一剪齊歸途步步是雲梯自憐曾作攀援客  
重過桃源徑不迷

夷方生計費安排憂樂原期事事偕撫字多年慚小補  
臨行何處不牽懷

四時無日不花開選得新枝手自栽借語同心須愛惜  
春風未必不重來

交情久暫悉前因去聚何須感舊新歲歲重關頻送客  
而今我亦作行人

河梁執手意殷勤共把離杯悵白雲只願年豐百事少

平安兩字好倚聞

異日重逢那可論  
驪歌一唱黯消魂  
臨岐不作沾巾態  
努力勤民是贈言

萬里休嗟行路難  
歸鞍回望海天寬  
華峰近浦同遊處  
楓葉蘆花望裏看

收拾詩筒伴我還  
閒情一路咏蠻山  
相思此後知何地  
多在荒村曉月間

臨行再別滇南用下平韻復得十五首

良辰勝事想從前  
客裏光陰去杳然  
留與他年記鴻爪

細將班管紀蠻天

習習和風拂柳條  
沿村婦子走相招  
勸農幾載蟠江路  
布穀聲中過小橋

猶記春當二月交  
尋芳帶雨出西郊  
山蹊緩步歸鞭晚  
得得新詩馬上敲

綠玉杯分飲興豪  
九龍池畔憶登高  
眼前又近黃花節  
驛路誰同酒榼挑

醒醉磯邊勝蹟多  
一灣碧玉沸清波  
櫓聲謳軋春風緩  
十里螳川我舊過

安寧湯池名碧玉泉旁有醒石醉石

曾入仙源小徑斜參差隔岸有漁家重尋洞口知何日  
窈窕空山自落花

大觀樓外滿湖光四面芙蓉繞座香曲曲迴廊通別浦  
烟波深處最難忘

近華浦有大觀樓烟波深處

太華山前綠水平昆明池上白雲橫無心雲水常如此  
不解人間有送迎

亂草竒葩一色青多年結梅好園亭分明異種天生就  
縱遇嚴霜不葉零

海天舊閣喜頻登

署有海天閣

臺閣重修我未能只有小山

成簣土邱陵異日待人增

漫將吟興續前游去矣倥偬挽不留望雨祈晴還在念

臨行重上與春樓

樓名

多情僚友共招尋綠酒頻傾夜淺深握手丁寧無別語  
始終一片古人心

回頭祖餞憶江南浦口汀洲我舊諳

壬子冬自江南入都此日離

情相似否較前霜鬢已鬢鬖

世味酸辛亦久厭那堪別恨又重添他年莫忘分攜處  
夕照秋山萬點尖

牂牁東下盡欽岳無限雲飛繞去颿珍重一身前路遠  
不教瘴雨染征衫

和孫端人學使贈別韻

歸心早已到

神京敢望朝

天荷寵榮旅店寒燈遊子夢離歌別酒故人情如梯路  
向山頭轉似墨雲從箬底生記得今攜何處所楊林海  
畔曉風清

蟬聲響送萬山秋歸思催人馬不留驛路連朝衝瘴雨

蠻鄉到處宿高樓披圖敢忘賢臣頌

端人書賢臣頌見贈載道還

聽士子謳

時曲靖試事將竣

回首天南勞望眼亂峯重疊暮雲

浮

耕籍詩十二章

正歲新年閱上辛農祥有兆自元辰青鸞銜出躬耕

詔玉琯融風滿

帝閭

雲罕星旂簇仗齊

齋宮筆屹時壇西

一人親夙蒼龍駕萬戶春聲聽曉雞

黍稷馨惟明德馨知時好雨驗從星清塵細灑千門迴  
夾道榆楊盡放青

溪樹鳴鳩勸荷鋤

金根繹繹映農車公田曙色分方野正是幽風入畫初  
田功自古重人時暑雨祁寒軫怨咨此日

朱紃親秉耒艱難稼穡是真知

紺轅千畝駐輕煙耳聽司農贊進鞭父老渾忘簞笠賤  
扶犁恭導



聖躬前

維耦加推數更優春陰敷綠滿平疇民間作苦親嘗徧  
犁犢還驅未肯收

布穀聲中復間歌詞成三十六嘉禾陽回寸草皆生意  
不獨豐年黍稌多

觀耕臺畔列千官邇陌遙嗟互鬱盤次第青箱分獻種  
至尊一一霽顏看

拜舞週遭

翠幄開懽聲滿地動輕雷愚氓競效華封祝欲獻南山

萬壽杯

細草回看

輦路明香塵不動午風輕田家景物歸

仙仗採入農書分外清

薄海均沾愷澤深還從無逸見

君心風行夏諺皆休助願奉

宸遊效矢音

臨雍詩十二章

三雍盛典肇西京觀聽圜橋紀永平今日車書同八表

垂衣景運倍文明

章天雲漢燦奎光門啓樞星俎豆香夾道松陰新鬱翠  
重簷駕瓦煥離黃

泮宮爭看蒞鸞旂上巳晴暉映德暉小大從公多吉藹  
御爐香動曉風微

噦噦鏘鳴建羽儀翠旌迎處共恬熙欣傳聖道昌明日  
正是重華格被時

宸章絢爛寫銀鈎贊化功能古莫儔不是  
心源契堯舜而知天地與同流

無言盟獻達精誠玉豆雕邊設兩楹大樂從知臻善美  
始終條理太和聲

黼座親繙玉笈開一時雲物覩昭回講堂闡盡圖書秘  
不藉崆峒訪道來

暮春上序景暄妍璧水無波藹瑞烟不獨雍容簪珮集  
橋門弟子列三千

勛華盛世慶遭逢東序齊聞振鼓鐘

宮扇開時明雉尾章縫何幸覲

山龍

駿奔執豆荷

恩榮濟濟雲初取次行

錫賚有加踰往制歡聲傳徧魯諸生

霞蔚雲蒸士景從虞廷八伯盡歌風  
夏恢珊網增新額  
多少菁莪出泮宮

六卿分獻列鵷行得侍

鑾儀仰穆皇典禮告成文治洽簪毫同咏辟雍章

秋日過訪鄂休如步雨後韻

爐香近惹侍臣衣退食方從

御苑歸堂上，甘分新果熟。門前冷謝俗人稀，花經宿雨香還在。山帶斜陽翠益飛，欲去殷勤頻執手。危欄曲徑雨依依。

恭和

御製南苑元韻

御路連雲迴

霓旌映日翔

勲華稱繼美

謨烈慶重光，雪點千峯白。霜侵衆草黃。

上林親閱狩

闕殿肅焚香山氣迎朝爽松風送曉涼東西鳴畫角遠  
近帶平梁總為承

先志非徒禮法王篤恭欽不顯錫福仰

惟皇念繫民依切心期物彙昌三軍瞻肅穆

一德格

穹蒼規制今尤備賢親世不忘太平歌有道率作戒無  
荒

幃幄慚襄贊追隨效拜颺屢豐昭瑞應大有卜農祥善

述猷彌遠覃敷澤正長武功文治洽宵旰凜幾康

悼亡

人世原同夢裏身思君無奈日傷神可憐桃柳爭妍日  
獨對殘花泣暮春

孤身萬里憶當年冷雨淒風事黯然此味今番重領畧  
悔教缺月又空圓

閩範原推第一流宜家宜室最溫柔采蘋人去中庭冷  
兒女伶俜淚未收

天性由來篤孝思一身孤苦寸心知可憐撫枕呻吟日



還是金閨戀母時

岡阡指在海雲間  
千里迢迢一櫬還  
望斷鄉山勞遠目  
孤魂何日度寒關

錦川無夢不依依  
灌掃松楸素願違  
泉下晨昏誰奉養  
仗君替我侍庭幃

漏鼓聲沈小院西  
迴廊風細雨淒淒  
衣衫冷暖誰相問  
獨擁紅爐聽曉雞

迷茫何處可招魂  
病眼摩挲漸欲昏  
退食歸來簾未捲  
半窓斜月閉閒門

月下晴光雨後天  
幽齋笑語想從前  
也知緣盡終分手  
爭奈團圓只二年

粧奩雖在故香殘  
檢點空樓不忍看  
記得病中垂別淚  
羅衣猶帶舊時瘢

口授新詩百首餘  
吟哦聲斷夜窓虛  
案頭手跡流塵掩  
顛倒牙籤捲亂書

擬結新亭小院幽  
旁開一面倚河流  
他年縱有偷閒日  
誰與看花作伴遊

七夕用李義山韻

何祇人間怨別離仙家亦有隔年期  
恰逢玉露初零浹又是銀河欲渡時  
碧落無聲雲漠漠空階獨望漏遲遲  
鵲橋不駕黃泉路泣對琴臺理斷絲

果是仙家好別離自應後會永無期  
何當兩岸重逢日也有千金一刻時  
落月共悲分手速秋風猶恨隔年遲  
那能復管人間事枉費高樓結綵絲

從古消魂是別離誰云聚散有常期  
卧聽烏鳥啼殘夜笑指牽牛憶昔時  
七孔爭看針度早一鉤獨恨月圓遲  
憐予點點新秋淚洒向西風滿素絲

最是傷心永別離  
茫茫何處問佳期  
每當露白風清夜  
更憶花殘葉落時  
銀漢無情偏斷隔  
巫山有夢尚稽遲  
一年一度雙星會  
暗送流光鬢已絲

誌公寺道中

西風不斷霧漫天  
旅館連宵客未眠  
隱現巒光開倦眼  
高低驛路苦行肩  
巖前古跡留千佛  
樹杪寒聲走百川  
欲問談經何處是  
法臺石鼓說當年

早起有懷

一到雞鳴欲曙天  
遑遑欲去不成眠  
雲封岵嶺頻回首

路出蠶叢未息肩  
游子所懷惟定省  
高堂有夢而山川  
金城河畔登樓日  
轉瞬於今又隔年

寄內

又是秋風暮雨天  
高堂近日可安眠  
馳驅莫怨頻分手  
定省何時得並肩  
一自重雲遮劍閣  
幾回遠夢到秦川  
老人念子如相問  
可說歸期似去年

敘州留別胡一山

岷峨回望水連山  
歷盡羊腸到八蠻  
細雨漫勞江上步  
黃塵深愧客中顏  
東坡去後難忘國  
陶令歸時却掩關

不是皇華來萬里林巒何自一躋攀

又和胡一山

細雨連朝聊駐馬漁簑重見舊詞臣蒼松白石輸清散  
小徑黃花隔世塵自是無心隨野老可還有夢憶  
楓宸與君江上分攜日記取秋風月一輪

行雲渺渺繫離思一出桃源洞已迷曲磴人登天上路  
亂山時誦篋中詩蒹葭相憶知何處林壑來游可再期  
回望汀洲田數畝閒情占盡讓君私

途中用思字韻又得二首

征途何事繫懷思一望蠻山眼欲迷  
曉夜幾回衝瘴雨烟雲無限入新詩  
三秋好景都如幻九日黃花又過期  
直北長安家萬里寸心深愧未忘私

怪石竒峰匪所思雲端直上路仍迷  
停驂暫傍新灘口陟屺還吟舊歲詩  
野水無情同駛馬秦川有信問歸期  
自來蹇蹇人臣職說到賢勞便是私

由箐口次雷波和許孝張韻

向晚還登亂石岡朦朧樹色雜青黃  
行人不耐泉聲苦密雨頻催馬足忙  
斷續籐橋橫瘴水高低蠻穴倚新篁

雷波古寨歸流後一問當年一慘傷

曲曲洪流抱遠岡  
秣來草色遍山黃  
林深惡霧侵人冷  
日暮哀猿喚子忙  
幾處懸厓遲倦馬  
何年小徑闢叢篁  
西南十里滇南境  
欲渡金沙意倍傷

九月望日渡江入滇南境

鳥道崎嶇了未曾  
橫流欲渡復何因  
茫茫問路疑前夢  
簇簇迎舟認故人  
漲水平添連夜雨  
征衣又染過江塵  
蠻天都被雲遮遍  
不見峯頭月滿輪

金沙江紀行



宦游二十季徧領山水趣此行山與水人生實罕遇金  
沙來絕徼衆壑齊奔赴排空雪浪翻震地濤聲怒兩岸  
萬重山險恠不知數或名手扒崖歌仄難容步或名齊  
天坡飛鳥亦鮮度或名鹿角拟一磴一顛仆或名溜馬  
漕泥湮沒衣袴策杖受牽繩援藤復攀樹箐深不見日  
昏黑生煙霧前浚走相呼咫尺常迷誤鷓鴣時一鳴哀  
猿嘯不住馬瘖僕已痛况兼連夜雨受盡始解鞍履襪  
淤泥污竭蹶過黃瑯雷波又待渡旅館生秋風愁雲寒  
日暮荒涼弔古情悽惻招魂句滇南我舊游旌麾又暫

駐世事多變遷人物有新故遺跡說烏蒙黃坪經古戍  
草草宿茆舍四面芭籬護沿江沂上游洪流直倒注其  
勢若建瓴其形若瀑布其聲若轟雷其急若馳騖一至  
濫田灘後者皆驚怖人力何所施徘徊淺審顧因念古  
之人舉動稱時措疏濬與決排神功豈易作智者行無  
事此理誰參悟有客贈長歌如泣復如訴既道大工難  
更傷民力苦斯言獲我心讀畢漫成賦非獨紀遠游中  
懷卽以寓賦罷卧空山憂思縈寐寤

昭通感懷

行近黃昏尚未休  
烏蒙遺跡費尋求  
孤城何處埋荒草  
殘穴於今指亂流  
瘴氣消時邊月苦  
秋風起後野魂愁  
蠻夷也要同胞與  
著意安全是勝謀

尹文端公詩集卷第二

章佳尹繼善元長

恭和

御賜赴兩江總督任元韻

拜

命辭

丹陛臨行聆

訓言心誠如保赤日昃尚忘殫愷惻憂民句汪洋散粟  
恩帆檣馳舊路雨露積新痕溢水難疏淪哀鴻藉慰存

撫躬慚政拙何計惠元元

欲問江南事災黎未敢言不因勤補救那得給饔飧既  
憫其咨苦頻施再造

恩村閭猶菜色父老有啼痕民命誠闕重

天心日注存作歌申儆戒

至德仰乾元

草亭讌集總河白毓峯以近作見示次韻

幾逐浮雲去復來相逢尊酒一徘徊林園有主分新舊  
草木無情自盛衰別院乍添東閣迴時書屋新成清池還映

小亭開當年興味依然否醉倚危闌拂碧苔

偕諸同事勸農郊外口占

紆迴小徑傍河邊郊外巡行趣好天盡說今年插蒔早  
黃梅澍雨徧桑田

竹籬茅舍昔曾過柳拂旌旗露濕靴此日同行無舊侶  
風光轉眼十年多

溪巷雞鳴犬亦號沿村婦子任喧呶使君素解農家事  
鋤雨耕雲著意教

綠樹陰濃散晚烟秧針簇簇滿平田翻愁風雨勻調甚

新穀登場不值錢

數畝荒園一兩家門臨碧水靜無譁停驂小憩層陰裏  
不斷香生白藕花

走相呼伴跪相持勞汝村農酒數卮一粟一絲須愛惜  
莫忘剜肉補瘡時

溪南偶見一家空短土牆邊剩老翁問說蝗蝻都捕盡  
長官傳去打青蟲

溽暑初嘗冰雪瓜兒童聲亂雜鳴蛙冰關竹馬爭迎送  
為有金錢載後車

誰家別墅近江村  
野叟無言笑弄孫  
送得長堤車馬過  
一園花草閉閒門

新苗映水碧於藍  
暑雨須知苦亦甘  
待得黃雲四郊滿  
果然財賦重東南

南郊勸農用上元令許惟枚喜雨韻

羣歌好雨正逢時

帝力民間自不知  
此日巡行來綠野  
使君又有課農詩  
瑞雪占年信不訛  
薰風又見拂嘉禾  
丁男盡向田間去  
載道來迎白髮多



雨歇西疇帶日鋤餘波曲引灌園蔬牧人應有豐年兆  
一笛斜陽好夢魚

田家樂事說江鄉租賦全捐化日長夜戶無敲雞犬靜  
追呼聲不到林塘

牛首道中口占

喜得連朝陣雨多乘時力作滿巖阿太平景象人知否  
鼓腹聲聲野老歌

寺門常對好峯開翠色招人首重回笑指西南牛首近  
可知不為看山來

村落風光處處同  
蟬聲半雜水聲中  
農忙花放無人問  
一任池荷闢淺紅

野色無邊眼界清  
田疇如繡繞江城  
長橋遙接東山路  
好趁新涼取次行

南郊勸農用江寧令袁枚韻

四郊齊咏既零詩  
一望長林綠滿枝  
却是低田偏近水  
從來大造本無私  
夾道青松間綠楊  
爭看騶從陟重岡  
莫教迎送妨農事  
好去耘田趁曉涼

西成在望意欣然  
陌隴循行緩著鞭  
共盼年豐新穀早  
醫瘡聊補賣絲錢

樹邊小憩一煎茶  
童叟看官靜不譁  
為說山田須努力  
沿江早稻已開花

無數青峯到眼來  
溝塍錯落傍山開  
猶嫌隙地桑陰少  
指點塲邊著意栽

平疇如繡草如茵  
地僻偏能遠俗塵  
笑看山頭與壠畔  
勞心勞力一般人

心勞撫字拙催科  
綠樹陰中聽笑歌  
一部

聖朝循吏傳讀書人半愛民多

長千古刹小橋通片刻荒園坐好風廿載重來添白髮  
歡迎不是舊兒童

過燕子磯遊永濟寺偶用壁間韻留贈默默上人  
每過雲藍便繫船非關前路受風偏秌殘野岸丹楓冷  
水落空江翠壁懸月色微茫僧入定鐘聲斷續客初眠  
回思十七年來事似與名山有宿緣

百尺青峰迎面起六朝老樹枕江栽依然拾級尋前路  
不覺穿雲到古臺幾許塵機聊暫息無邊眼界一時開

巒光水色何今古任爾征帆日往來

亂石巉巖印綠苔寺門僻靜帶雲開秋光淡處花將老  
潮水平時雁正來目斷斜陽添悵悵手摩遺跡重徘徊  
蒲公說偈何年事賸有松龕倚講臺

落葉聲中響木魚茶烟輕散晚風餘探幽路慣依山轉  
隔岸人多傍水居幾度登臨皆偶爾再來意興復何如  
虎溪一笑重回首又送行雲過太虛

再到惠山和雅太守贈石泉上人韻

每遇登臨動遠思長橋接岼柳如絲吳門舊愛棠陰滿

不獨人傳去後詩

小憇僧房傍水邊一回鑒賞一凄然涓涓不竭清如許  
品第何因號二泉

長短休論用世才隨緣到處有花開惠山亭畔斜陽影  
不盡浮雲自去來

巡海初還載得惠泉送黃靜山比部賦詩見貽率  
次來韻

滄海初探罷名泉却載回未教新茗試先喜故人來虛  
館迎旄節供厨當酒罍雲箋詩味永一洗俗塵開

幾人爭品第一句記淵源碧影留分照冰心好共言遠  
含霄露在近紀土風存絕勝平泉客勞勞驛馬奔

疊前韻再贈靜山

誰將民事繫懷思新穀纔栽早賣絲四月晴乾六月水  
艱難應入採風詩

路出滁山古蹟邊西南沐壑景依然醉翁亭畔停驂否  
應有新歌紀釀泉

豈獨文章仰雋才山間谿徑藉君開臨歧莫厭多酬咏  
容易雲霄萬里來

徐州道中雜咏

老樹當窓散綠陰  
花間曲徑費追尋  
十年重到彭城路

一片荒涼月夜心

舊主人已故

夾道垂楊眼倍青  
長橋古岸記曾經  
雲龍山畔留題處  
未暇回車訪舊亭

田家風景足清幽  
煙滿空林雨滿疇  
萬樹蟬聲天欲晚  
漁舟搖過水西頭

小憇時尋近水村  
邨房多半枕堤根  
晝長野老閒無事  
杖倚柴門笑弄孫



河邊古閘自天然亂石成堆引激湍不有層層今洩路

黃流那得慶安瀾

天然閘

宣黃古堞指毛城斷續殘堤取次行看到支流通塞處

古今區畫自分明

毛城舖

朦朧樹影任縱橫帶月驅馳趁曉晴行過鄉村門未啟  
堤邊小坐聽雞聲

漫口依然舊跡存一帆風便渡黃邨停舟細問當年事

父老于今有淚痕

石林漫口

北岍無堤七十里留空此地洩黃流一夫不獲難安枕

芻牧還應着意求

大溜南趨浪拍天石林對岸泊回船  
臨行切囑河干吏防患須知在未然

遼海王軼萬見過話舊有感兼以誌別

物外逍遙况味閒怡情半在水雲間  
誰知風雪停驂後燭剪西窓話故山

論文樽酒憶清閒錦水城隅菜圃間  
廿載鄉心勞遠目海雲橫處是千山

盡日驅馳我未閒行旌又指五湖間  
忙中莫問登臨興

負却長淮兩岸山

征途何計覓安閒  
時有哀鴻在目間  
那似琴書隨杖履  
坐看車馬度寒山

酬何梅邨吏部見贈

記得星軺過沛豐  
重來閱歷遍西東  
三春笑語人如舊  
衆水朝宗路漸通  
溫室香仍携袖裏  
南邦景又入詩中  
顧余老去心情減  
枉對山桃夾岸紅

邨村婦子祝年豐  
使節爭看范水東  
桃汛初來棋蕩滿  
金灣過去海門通  
舟橫綠柳長堤外  
燭剪西風暮雨中

說到萍踪堪悵快幾時同得醉顏紅

將與梅邱別於金灣

### 草亭小集留贈萬松主人

到處饒真趣湖山近可延新篁環石砌叢菊闌霜天樂  
意隨魚鳥閒情寄簡編誰能結構好亭榭總相連

半畝方塘外風光一望收開樽臨草閣倚檻俯清流舊  
燕辭巢去孤航隔岸浮芙蓉秋意冷可似綠楊稠

欲別還攜手移燈小院前籬踈斜月挂樹老曲簾穿論  
射尋西圃煎茶散曉烟徘徊空脉脉悵望板橋邊

記得山房會

去冬宴於萬松山房

秋齋又暫陪看花留短句作楫

仗長才過客誰新舊行雲自去來塵寰原爾爾灑落幾人哉

題不繫舟有序

金陵使院西偏舊有室三楹製如半舫丙寅春杪余葺而新之顏其額曰不繫舟蓋取南華之義亦以見宦轍東西飄蓬無定如舟之放乎中流聽其所止云爾爰歌以落其成

宦海茫茫豈自由達觀身世復何求雖云傳舍如匏繫却哂塵寰似芥浮葺得數椽摹畫舫移來半榻點虛舟

公餘小憩凭欄望好寄閒情付水鷗

斗室天寬頗自由肯塗丹牖費營求新篁翠色穿籬入  
垂柳青陰拍岸浮四面微波搖斷纜一池倒影漾扁舟  
不須牽挽荷堤上任泛香風狎野鷗

寸心不繫本由由物理休從迹象求自去自來何罣碍  
就深就淺聽沈浮蘆廬信宿誰非客萍梗飄流總是舟  
叅透漆園仙吏意可知天地一沙鷗

推遷那用問來由寄托隨緣懶細求曲徑花飛春又晚  
疎林雨過月還浮疑聞畫槳回清夢似溯黃淮泛小舟

真假誰能窺妙諦忘機隔岸有眠鷗

欲尋舊路已無由好景當前即可求敢望仙槎遊汗漫  
不隨漁艇弄輕浮帆欹莫更爭迎水榭短何堪認作舟  
識得靜觀皆有意蘆花簇簇隱雙鷗

彼岸難登悵末由望山亭畔好尋求新欄舊榭都成幻  
落絮殘花一樣浮却笑開窓仍近水何須剗木始為舟  
迷茫可有停橈日且扣舷歌對鷗鷗

洪流險阻幾經由利涉無心分外求獨泊荒園幽澗冷  
如橫野渡暮煙浮重來又泛三年棹此後誰登一葉舟

欲測津涯何處是斜陽滿地落閒鷗  
乘風萬里記曾由勝概全收豈再求對岸無由雙眼豁  
歸帆有夢一家浮聊開生面留新額久別凌川憶舊舟  
冷淡生涯誰占得沙邊鳬雁海中鷗

書室新成和臯聞見贈韻

碍眼牆初去遙山翠可延還依新畫舫另闢小壺天隨  
意尋生趣偷閒理舊編每從斜日裏掉臂自留連  
隔岸風初歇侵堦雨未收殘紅飄老樹曲沼漲新流路  
傍危闌轉魚同落葉浮白蓮差可意更比昔時稠



綠柳排堤畔修篁繞砌前陰濃亭半掩影倒水橫穿亂  
鳥鳴朝旭疎籬淡晚烟興來移短棹搖過小橋邊  
又到清秋夜高吟喜共陪風流還有分攷贊本無才轉  
眼花新舊推窓月往來時時開笑口惆悵為何哉

又疊前韻

好種誰培植藤蘿易蔓延剗從移樹日又值落花天草  
閣池三面匡牀史一編林園饒翠靄鍾阜近相連  
八窓軒豁處面前景全收怪石堆紅葉垂楊枕碧流亭  
閒三徑繞人醉一航浮頗有東籬意黃花不厭稠

物換星移後難追十載前  
仙桃餘舊種月洞更誰穿  
雨過收殘暑山橫隱暮煙  
徘徊何所見倦鳥噪林邊  
小築偏西圃知心許暫陪  
未忘懷土戒敢羨作舟才  
露冷荷將老殊高雁又來  
歌詩還和我快聚幾人哉

端陽小集劉臯聞因病初愈未至辱贈佳章依韻奉和

藥鑪初罷病初痊  
遠岫雲收夕照天  
却愛新晴登畫舫  
每逢令節惜華年  
池浮翠藻荷仍小  
樹隱虹橋水漸添  
獨卧幽窓遲不起  
吟來好句隔花傳

望山亭畔一開筵  
話舊談心樂意駢  
未泛蒲樽虛雅會  
自將桑落灑吟箋  
亂花飛絮還經眼  
嫩柳新篁正及肩  
但得精神長矍鑠  
手扶筇杖亦陶然

丙寅春暮再過瞻園用壁間韻柬諸同事

水滿平池印綠痕  
池邊錯落碧山存  
主賓來去知多少  
又趁春歸訪舊園

亭臺羅列水西東  
且喜襟開坐好風  
莫筴停杯清興減  
登臨總在百忙中

層巒拾級共躋攀  
萬里天空意象閒  
一過桃溪迷洞口

此身恍到武陵間

傳說中山此故家當年勝概想繁華試看榦老根盤處  
古木還開落葉花

疊前韻

再拂蒼苔認墨痕澄波似鑒我思存誰將妙舞清歌地

另闢壺天作小園

舊有歌臺前方伯魏慎齋  
改為池沼以澄鑒名堂

參商自古各西東又送征帆挂曉風我亦欲從江外去

離情無限不言中

時慎齋將返皖江  
余亦有徐宿之役

古樹枝高手欲攀招攜未卜幾時閒一年一醉斜陽裏

吟傍紅欄小榭間

四圍煙火萬人家  
走向高臺玩物華  
山色當前憑記取  
不須更問六朝花

望山亭閒咏仍用瞻園韻

池邊半露斷牆痕  
認得村房舊迹存  
擬結茅亭移綠笋

還教光景似田園

亭後舊有似村今已荒廢

方唐迤北小橋東  
荇藻香微送晚風  
照水自憐添白髮  
十年心事綠楊中

萬里奇峰我亦攀  
崎嶇歷遍幾曾閒  
倦來一枕邯鄲夢

秦隴滇山滿目間

悟得浮生那是家  
每因代謝嘆榮華  
園丁不解傷春意  
又報新開別樣花

滁山道中望醉翁亭擬游未果仍用前韻

一彎如黛遠山痕  
二十年來夢想存  
自是天然林壑好  
枉移桃李作芳園

烏衣巷口板橋東

滁東有烏衣鎮

漠漠征塵逐晚風  
借問荒亭

何處是村翁  
指點亂山中

咫尺青峰未許攀  
浮雲過去岫仍閒  
幾回欲到成虛語

只在停車一望間

潺潺流水入田家勝事何常嘆物華聞道歐梅種千載  
而今亭畔尚開花

遊醉翁亭再疊前韻

薜蘿深護綠苔痕喜見西南古蹟存會得醉翁同樂意  
陽春大地總林園

路轉峯回西復東解衣小憩挹清風當時坐起喧譁處  
想是繁陰夕照中

廿載神遊今始攀塵緣息後鳥聲閒勾留片刻人還去

又指長堤白浪間

嶺上村農三兩家自安耕鑿度年華  
兒童笑訝元戎隊也到山亭一問花

歐梅

幾枝踈瘦幾枝斜獨倚荒臺草半遮  
耐盡千年霜雪冷不隨桃李鬪穠花

舊種無從問假真豈因老去損精神  
官梅盡道揚州好尋向空山有幾人

影落清溪帶日斜那愁薄霧晚來遮  
游人都為無顏色



轉向村前另看花

玉骨寒香別有真拈來墜葉一傷神  
綠衣自入羅浮夢評品隨他世上人

亭泉雜咏

始作相傳是智仙荒亭一望意悠然  
菱溪石畔濃陰裡拾取松枝煮碧泉

面面踈櫺向水開青檀綠竹倚欄栽  
何人又做蘭亭意引得清流繞座來

當窓怪石更巒岼老樹連根曲曲盤  
無數藤蘿遮不盡

自留青翠與人看

古來遺跡半朦朧白髮何由認醉翁

寺有文忠公小像

欲問廬

陵真面目蒼松勁柏可相同

隔岼諸峯未盡攀幾回睇望故遲還停車細問瑯琊路  
指向幽林寺外山

木杪禪房傍翠微夢中巖壑是耶非鳥聲不斷雲來往  
客渡溪橋僧自歸

游醉翁亭和觀補亭學使韻

使節曾經此地回滁山可許似蓬萊不因林壑先留句

却向風塵解愛才花謝難邀春色轉泉香合上古亭來  
於今一踐尋芳約誰共聯吟倒綠醅

遊醉翁亭留贈褚刺史仍用前韻

逢人盡道看山回我亦探幽踏草萊半日清緣同有介  
千年古樹亦憐才層巒環抱方亭轉曲水斜穿碧澗來  
野老可還隨五馬一時歌嘯進清醅

浦口渡江再用游醉翁亭韻

一抹晴雲散曉痕江城如畫望中存溪山盡入詩囊裏  
攜得歸來到小園

樹影微茫遠岸東沙汀斜挂一帆風  
嫌遲更喚添三槳  
好趁波恬浪靜中

江上青峰亦可攀忙忙那許再偷閒  
應知此後添新夢  
不在山間定水間

小隊喧闐又到家  
恰逢雨霽日光華  
同人若問途中事  
只說亭泉飽看花

不繫舟小集

衣上空留舊酒痕已無春色一分存  
喜添新漲荷池水  
綠葉清香散滿園

幾回散步小橋東  
掉臂微吟立晚風  
今夜移樽登畫舫  
與君同唱月明中

石磴崎嶇約共攀  
每從鞅掌憶清閒  
銜杯聽說滌山話  
似到流泉古木間

信宿蘧廬也是家  
漫談虛幻學南華  
甕頭已釀長春酒  
還約同看歲歲花

贈王從魯侍御

別來風雨繫懷思  
聞向江頭理釣絲  
野叟耕夫同嘯咏  
篋中應有樂饑詩

家在城隅古寺邊，知君環堵更蕭然。  
聊從野外開荒圃，自種新蔬引活泉。

草野誰能解愛才，蓬門雖設莫常開。  
北窓高卧無人問，只有青山入戶來。

萬里金沙憶共遊，那知歸去卧林邱。  
一年一過華陽路，話舊相看雪滿頭。

道經句容留贈王從魯侍御

結茅近傍大江頭，為訪衡門一逗留。  
留聽說棲霞山色好，最高峯上任閒遊。

華陽一路滿秋風小憩荒城落照紅近日行踪難告語  
征帆多半亂流中

攜手驚添白髮新鮮衣笈為拂黃塵誰知借箸籌邊客  
竟作羲皇以上人

田家況味比人殊菊蕊新醅問有無釣罷烟波一棹遠  
扁舟疑入輞川圖

又欲分攜可若何蒹葭白露繫情多新成水榭饒幽賞  
為盼閒雲出岫過

從魯見過同登不繫舟賦贈即用前韻

寒梅欲放碧池頭散步西園許暫留記得終南斜照裏  
寒花亭畔共閒游

隔岸疎枝動晚風紛紛葉落帶霜紅垂楊影外荷堤冷  
可似蘆花淺水中

小築休誇畫舫新林泉有夢隔仙塵何率一棹扁舟遠  
泊向漁磯訪故人

看水看山興未殊茅亭彷彿野村無芒鞋竹杖偏疎散  
添箇山翁入畫圖

時繪不  
繫舟圖

逝者如斯奈老何回思好事舊來多寒風去後春還轉



桃李開時可再過

江行即事

一行雁影一帆風簇簇楓林到眼紅誰道金焦山更好  
樓臺多半急流中

兩岸平添白雪新幾忘世上有紅塵風濤笑我年年慣  
偶遇迷津不問人

晴空景象霎時殊天半棲霞影漸無村樹迷離巖穴暝  
居然一幅米家圖

沙漫洲連海氣涼江波搖蕩暮天黃歸舟擬踐三台約

又被層雲隱夕陽

永濟寺南有三  
台洞擬遊未果

### 丙寅冬過永濟寺

暮雲遮斷遠峯頭又為東風一逗留笑我停舟來幾次

石門山後未曾遊

寺後有石門  
舊遊未到

人坐高牕樹杪風懸崖翠映佛燈紅任渠說盡無生話

總在拈花一笑中

登花  
笑軒

廿載因緣感舊新回看彼岸是紅塵東園指向雲深處

靜鎖禪關不見人

老僧移居東  
園不多見客

南峰向暖北峯涼松柏青青草自黃更有婆羅偏耐老

長留蒼翠立斜陽

和婁毓青除夜讌集韻

鬢髮鬢雪漸加年來宦迹遍天涯清歌唱和殘冬夜  
畫鼓喧闐百姓家舊地重遊睚舊雨新春又到發新花  
園亭處處堪吟咏何用停杯感物華

新春偶成

如流歲月暗增加誰信浮生亦有涯為惜韶光頻把酒  
却緣俗累未忘家平池欲漲新春水綠萼先開小院花  
城市笙歌偏到耳令人幾度感繁華

風寒雨雪尚交加散步閒行傍水涯過去韶光成舊夢  
邇來春色數誰家林疎好待添楊柳土薄還宜種菜花  
記取歌殘人醉後共敲短句記年華

讀劉臯聞便是離家莫憶家句有感再用前韻

老去逢春興轉加軒亭喜傍水之涯須知小住誰非客  
即便同歸那是家擬上虛舟還載酒更邀別院看移花  
枯枝落水皆堪賞何必樽前有麗華

和劉臯聞除夕

饒臘梅開香滿除宵來佳興問何如清歌人醉三更酒

寶炬烟籠五色書  
爆竹聲多知樂歲  
華筵宴罷咏嘉魚  
漫言餘景堪留戀  
暖入新春日正舒

讀臯聞和章有感

節序頻催日月除  
無營無慮自如如  
臥聽暮雨償詩債  
座繞春花點簿書  
對鏡誰憐頭似雪  
臨流應笑我非魚  
溪山有約何年事  
目送行雲任卷舒